

Melayu kurang bijak melabur'

WAKIL Negeri Sembilan, Datuk Jamlus Aziz menegur sikap orang Melayu yang sanggup menghabiskan jutaan ringgit untuk mendapatkan isteri muda, tetapi bersikap sebaliknya terhadap pelaburan hartanah.

"Orang Melayu sanggup menghabiskan ratusan, ribu ringgit, mungkin mencecah jutaan ringgit untuk mendapat isteri muda menerusi wang hantaran perkahwinan, tetapi untuk pelaburan hartanah bagaimana pula?," katanya ketika menyokong usul ekonomi dan pendidikan.

Katanya, sikap itu adalah antara puncapemilikan hartanah orang Melayu di bandar terus ketinggalan.

"Orang Melayu masih jauh ketinggalan, namun tindakan bijak kerajaan menubuhkan Yayasan Hartanah Melayu dengan dana RM2 bilion baru-baru ini akan membantu meningkatkan pemilikan hartanah orang Melayu di bandar," katanya.

Namun, beliau yang juga Ketua Pemuda Umno Negeri Sembilan memberi amaran jangan dibiarkan berlaku ketirisan dan kebocoran dalam menguruskan dana yayasan itu.

"Diharapkan, tidak ada juga mana-mana pihak mempersoalkan usaha ini. Tindakan mempersoalkan usaha ini sesuatu yang biadap, lupa diri serta tidak menghormati hak istimewa orang Melayu yang dipersetujui dulu," katanya.

Jamlus berkata, dalam RMK-9, RM11.4 bilion disediakan untuk sektor pertanian dan kerajaan perlu memasti-

"Orang Melayu sanggup menghabiskan ratusan ribu ringgit untuk mendapat isteri muda menerusi wang hantaran"

Jamlus Aziz
Wakil Negeri Sembilan

kan projek mempunyai impak besar seperti National Feedlot Centre (NFC) atau Pusat Fidlot Negara, Zon Industri Akuakultur, Taman Kekal Pengeluaran Makanan (TKPM) berjaya.

Katanya, bagi melicinkan usaha meningkatkan industri pertanian negara, Jabatan Pertanian serta agensi berkaitan perlu dilengkapi pegawai, kakitangan terlatih dan mencukupi di semua peringkat, terutama di peringkat daerah.